



關  
可  
少  
金  
口  
齊





道光十四年歲甲午  
八月三山葉氏開雕



閩詞鈔序

詞選昉于後蜀趙崇祚之花間集厥後花菴草堂踵事日增然或取唐末名家或取宋末遺民或輯南宋或採掇唐宋間及元人未有專摭鄉黨之作勒爲一編者有之惟

本朝浙西六家詞他未再見也閩中自宋柳耆卿以歌詞名纏綿旖旎善言情世與清真居士竝推至使西夏人重之謂凡有井水飲處能歌可謂盛矣其外如蔡仲道友古詞康伯可順菴樂府張仲宗蘆川詞趙用甫虛齋樂府劉潛夫後村別調葛瓊瑄海璠集皆卓然名家



儕之蘇黃晁秦何多讓焉而陳忠肅李忠定朱文公真  
文忠以千載儒宗碩輔靡不從事詩餘清新婉麗各臻  
其勝余嘗見黃石齋先生大滌函書未有雪堂艷二闋  
亦駸駸入作者之室文采風流至今未沫儒者何嘗斥  
綺語爲俳優哉然近日吾鄉詞學失傳兩宋詞家學者  
至莫能舉其名是可嘅也葉小庚太守善爲詩兼工倚  
聲嘗編詞譜及詞韻六卷爲詞家之圭臬復輯閩詞鈔  
四卷始於宋徐昌圖終於元洪希文附以方外閨媛凡  
六十家爲詞逾千首以存桑梓詞人之梗概其後村詞  
則取余所錄天一閣大全集多至百二十餘首蓋諸家

所未及見亦足徵網羅之富矣抑此六十家者其人類  
皆賢豪間而章質夫黃冕仲李似之呂季克王實之潘  
庭堅之倫咸歷州郡以政事著君頃將捧牒入都旦夕  
綰符竹秉麾幢所設施於其境內者豈徒文雅粉澤而  
已若陳了齋之青玉案所謂十分農事滿城和氣知稼  
翁之千秋歲所謂五馬徘徊地春色隨征旆劉伯寵之  
水龍吟所謂新春歌管豐年笑語者摹繪太平彷彿遇  
之他日仿黃叔暘中興以來絕妙詞例以所自作樂府  
續是編後庶無媿色也余雖老尙樂操筆而從之道光  
十有二年壬辰雨水後五日同里陳壽祺



自序

閩中詩人自唐薛令之歐陽詹見推當時厥後操觚之士代不乏人誠可謂家擅西崑戶傳麟角者矣其彙選閩中詩者

四庫所收有閩中十子詩晉安風雅閩南唐雅諸編亦咸有纂述詞爲詩之餘編輯者何獨闕歟詞之學興於唐盛於宋迄於元當宋之時吾閩詞人以專集傳者梁谿友古蘆川後邨而外指不勝屈而柳耆卿樂章集康伯可順庵集尤著蓋二家兼精音律恒自製腔雖其詞體近俗然皆能歌咏其時承平景象久爲識者所許迺



詞選諸家至不知其爲閩人此所不能不爲之表白也  
是編始於宋徐昌圖終於元洪希文附以方外閩媛凡  
六十一家爲詞逾千首題曰閩詞鈔畧以存閩中詞人  
之梗概耳僕自幼喜學爲詩至今弗輟茲獨孜孜於倚  
聲之學者誠以此道閩中近將失傳急取而講明之亦  
楊惠之改而學塑之意也已辛卯花朝三山葉申薌

閩詞鈔總目

徐昌圖

楊億

蔡襄

柳永

章棗

陳瓘

黃裳

李彌遜

李綱

蔡伸

李持正

鄧肅

劉子翬

高登

康與之

張元幹

黃公度

朱子

林外

黃銖

呂勝已

游次公

劉褒

真德秀

趙以夫

王邁

劉子寰

袁長吉

劉清夫

黃師參

鄭域

潘枋

卓田

劉克莊

馬子嚴

嚴仁

嚴參

嚴羽

陳以莊

李芸子

黃公紹

馮取洽

馮艾子

李振祖

陳德武

黃鑄

黃簡

鄭楷

李呂

劉學箕

留元崇

留元剛

廖瑩中

翁孟寅

吳激

洪希文

福建士子

葛長庚



蘇氏

阮氏

孫氏

共六十一家

閩詞鈔卷二目錄

徐昌圖 三首

楊億 一首

蔡襄 一首

柳永 二百十首

章棗 一首

陳瓘 十八首

黃裳 九首

李彌遜 十二首

李綱 二十一首

凡九家二百七十六首

閩詞鈔卷一

閩中葉申薌編輯

徐昌圖

殿中丞

莆田人與兄昌嗣齊名初仕閩陳洪進歸宋令昌圖奉表入汴太祖命為國子博士累遷

木蘭花令

沈檀烟起盤紅霧一剪霜風吹繡戶漢宮花面學梅妝  
謝女雪詩裁柳絮長垂天幕孤鸞舞旋炙銀笙雙鳳  
語紅窻酒病對寒冰永覺相思無夢處

右花菴詞選

臨江仙



飲散離亭西去浮生常恨飄蓬回頭烟柳漸重重澹雲  
孤雁遠寒日暮天紅 今夜畫船何處潮平淮月朦朧  
酒醒人靜奈愁濃殘燈孤枕夢輕浪五更風

右詞綜

河傳

秋光滿目風清露白蓮紅水綠何處夢回弄珠拾翠盈  
盈倚蘭橈睂黛蹙 采蓮調穩聲相續吳兒伴侶倚棹  
吳江曲驚起暮天幾雙交頸鴛鴦入蘆花深處宿

右花草粹篇

考換頭句皆作七字尊前集收此詞  
換頭作采蓮調穩吳侶聲相續一四一五似誤  
今遵欽定詞譜所收花草粹篇本改正

楊

億

浦城人字大年雍熙初應童子科授秘書省  
正字獻二京賦賜進士第直集賢院真宗卽  
位拜左正言修太宗實錄景德初知通政司判史  
館天禧二年拜工部侍郎四年復爲翰林學士祥  
符中真宗將立德妃爲后欲得億草詔  
不從辭歸後卒贈禮部尙書諡曰文

少年遊

江南節物水昏雲淡飛雪滿前村千尋翠嶺一枝芳艷  
迢遞寄歸人 壽陽妝罷冰姿玉態的的寫天真等閑  
風雨又紛紛更忍向笛中聞

右 欽定詞譜

蔡

襄

仙遊人字君謨天聖八年進士初知諫院進  
直史館以母老乞鄉郡再知福州一知泉州  
嘉祐五年召爲翰林學士權三司使  
旋乞外以端明學士知杭州諡忠惠



好事近

瑞雪滿京都宮殿盡成銀闕常對素光遙望是江梅時節  
如今江上見寒梅幽香自清絕重看落英殘艷想  
飄零如雪

右花草粹篇

柳

永

崇安人初名三變字景莊工部侍郎柳宜子與兄三接三復俱有才名時稱柳氏三絕以

蔭補官復登景祐元年進士改今名

字耆卿終屯田員外郎有樂章集

黃鶯兒

正宮

園林晴晝誰為主暖律潛催幽谷暄和黃鸝翩翩乍遷  
芳樹觀露濕縷金衣葉映如簧語曉來枝上綿蠻似把

芳心深意低訴

無據乍出暖烟來又趁遊蜂去恣狂

蹤跡兩兩相呼終朝霧吟風舞當上苑柳濃時別館花  
深處此際海燕偏饒都把韶光與

鬪百花

亦名夏州

正宮

颯颯霜飄鴛瓦翠幕輕寒微透長門深鎖悄悄滿庭秋  
色將晚眼看菊蕊重陽淚落如珠長是淹殘粉面鸞輅  
音塵遠 無限幽恨寄情空殢紈扇應是帝王當初怪  
妾辭輦陟頓今來宮中第一妖嬈却道昭陽飛燕

又

煦色韶光明媚輕靄低籠芳樹池塘淺蘸烟蕪簾幕閉



垂風絮春困厭厭拋擲鬪草工夫冷落踏青情緒終日  
扃朱戶 遠恨綿綿淑景遲遲難度年少傅粉依前醉  
眠何處深院無人黃昏乍圻秋千空鎖滿庭花雨

又

滿搦宮腰纖細年紀方當筭歲剛被風流沾惹與合垂  
楊雙髻初學嚴妝如描似削身材怯雨羞雲情意舉措  
多嬌媚 爭奈心性未會先憐佳婿長是夜深不肯先  
入鴛被與解羅裳盈盈背立銀釭却道你但先睡

玉女搖仙佩

正宮

飛瓊伴侶偶別珠宮未返神仙行綴取次梳妝尋常言

語有得許多姝麗擬把名花比恐旁人笑我談何容易  
細思算奇葩艷卉惟是深紅淺白而已爭如這多情占  
得人間千嬌百媚 須信華堂繡閣皓月清風忍把光  
陰輕棄自古及今佳人才子少得當年雙美且恁相偎  
倚未消得憐我多才多藝但願取蘭心蕙性枕前言下  
表余深意爲盟誓從今斷不孤鴛被

雪梅香

正宮

景蕭索危樓獨立面晴空動悲秋情緒當時宋玉應同  
漁市孤烟裊寒碧水村殘葉舞愁紅楚天濶浪浸斜陽  
千里溶溶 臨風想佳麗別後愁顏鎮歛眉峯可惜當



年頓乖雨跡雲蹤雅態妍姿正歡洽落花流水忽西東  
無慘恨盡把相思分付征鴻

尾犯 正宮

夜雨滴空階孤館夢回情緒蕭索一片閑愁想丹青難  
貌秋漸老蛩聲正苦夜將闌燈花旋落最無端處忍把  
良宵只恁孤眠却 佳人應怪我別後寡信輕諾記得  
當初剪香雲爲約甚時向幽閨深處按新調流霞共酌  
再同歡笑肯把金玉珍珠博

甘草子 正宮

秋暮亂洒衰荷顆顆真珠雨雨過月華生冷徹鴛鴦浦

池上凭闌愁無侶奈此箇單棲情緒却傍金籠教鸚  
鵡念粉郎言語

又

秋盡葉剪紅綃砌菊遺金粉雁字一行來還有邊庭信  
飄散落花清風緊動翠幕曉寒猶嫩中酒殘妝慵整  
頓惹兩眉離恨

送征衣 中呂宮

過昭陽璿樞電遶華渚虹流運應千載會昌罄寰宇薦  
殊祥吾皇誕彌月瑤圖纘慶玉葉騰芳並景貺三靈眷  
祐挺英哲掩前王遇年年嘉節清和頌率土稱觴 無



間華夏要荒盡萬里走梯航形庭舜張大樂禹會羣方  
鵷行趨上國山呼鰲抃遙蕪爐香競就日瞻雲獻壽指  
南山等無疆願巍巍寶歷鴻基齊天地遙長

晝夜樂 中呂宮

洞房記得初相遇便只合長相聚何期小會幽歡變作  
別離情緒况值闌珊春色暮對滿目亂花狂絮直恐好  
風光盡隨伊歸去一場寂寞憑誰訴算前言總輕負  
早知恁地難拚悔不當初留住其奈風流端正外更別  
有繫人心處一日不思量也攢眉千度

又 贈妓

秀香家住桃花逕算神仙纔堪並層波細剪明眸膩玉  
圓搓素頸愛把歌喉當筵逞過天邊亂雲愁凝言語似  
嬌鶯一聲聲堪聽 洞房飲散簾幃靜擁香衾懽心稱  
金爐麝裊青烟鴛帳燭搖紅影無限狂心乘酒興這歡  
娛漸入佳境猶自怨隣雞道秋宵不永

柳腰輕 贈妓 中呂宮

英英妙舞腰肢軟章臺柳昭陽燕錦衣冠蓋綺堂筵會  
是處千金爭選顧香砌絲管初調倚輕風佩環微顫  
乍入霓裳促遍逞盈盈漸催檀板慢垂霞袖急趨蓮步  
進退竒容千變笑何止傾國傾城暫回眸萬人腸斷



西江月 中呂宮

鳳額繡簾高捲獸環朱戶頻搖兩竿紅日上花梢春睡  
厭厭難覺 好夢狂隨風絮閑愁濃勝香醪不成雨暮  
與雲朝又是韶光過了

傾盃樂 仙呂宮

禁漏花深繡工日永蕙風布暖變韶景都門十二元宵  
三五銀蟾光滿連雲複道凌飛觀聳皇居麗佳氣瑞烟  
葱蒨翠華宵幸是處層城闔苑 龍鳳燭交光星漢對  
咫尺鰲山開雉扇會樂府兩籍神仙梨園四部絃管向  
曉色都人未散盈萬井山呼鰲抃願歲歲天仗裏常瞻

鳳輦

笛家

花發西園草薰南陌韶光明媚乍晴輕暖清明後水嬉  
舟動禊飲筵開銀塘似染金堤如繡是處王孫幾多遊  
女往往攜纖手遣離人對嘉景觸目盡成感舊 別久  
帝城當日蘭堂夜燭百萬呼盧畫閣春風十千沾酒未  
省宴處能忘絃管醉裏不尋花柳豈知秦樓玉簫聲斷  
前事難重偶空遣恨望仙鄉一晌淚沾襟袖

鶴冲天

黃金榜上偶失龍頭望明代暫遺賢如何向未遂風雲



便爭不恣遊狂蕩何須論得喪才子詞人自是白衣卿  
相 烟花巷陌依約丹青屏障幸有意中人堪尋訪且  
恁偎紅翠風流事平生暢青春都一晌忍把浮名換了  
淺斟低唱

迎新春 大石調

嶰管變青律帝里陽和新布晴景回輕煦慶嘉節當三  
五列華燈千門萬戶遍九陌羅綺香風微度十里然絳  
樹鰲山聳喧喧簫鼓 漸天如水素月常午香逕裏絕  
纓擲果無數更闌燭影花陰下少年人往往奇遇太平  
時朝野多歡民康阜堪隨分良聚對此爭忍獨醒歸去

曲玉瑄 大石調

隴首雲飛江邊日晚烟波滿目凭闌久立望關河蕭索  
千里清秋忍凝眸 杳杳神京盈盈仙子別來錦字終  
難偶斷雁無憑冉冉飛下汀洲思悠悠 暗想當初有  
多少幽歡佳會豈知聚散難期翻成雨恨雲愁阻追遊  
悔登山臨水惹起平生心事一場銷黯永日無言却下  
層樓

滿朝懽 大石調

花隔銅壺露晞金掌都門十二清曉帝里風光爛漫偏  
愛春杪烟輕晝永引鶯囀上林魚游靈沼巷陌乍晴香



塵染惹垂楊芳草 因念秦樓彩鳳楚館朝雲往昔曾  
迷歌笑別來歲久偶憶歡盟重到人面桃花未知何處  
但掩朱門悄悄盡日竚立無言贏得淒涼懷抱

傾盃樂 大石調

皓月初圓暮雲飄散分明夜色如晴晝漸消盡醺醺殘  
酒危樓迴涼生襟袖追舊事一晌憑闌久如何嬌容艷  
態底事孤歡偶朝思暮想自家空恁添清瘦 算到頭  
誰與伸剖向道我別來爲伊牽繫度歲經年偷眼覷也  
不忍覷花柳可惜恁好景良宵未曾畧展雙眉暫開口  
問甚時與伊痛憐深惜還依舊

夢還京 大石調

夜來匆匆飲散欹枕背燈睡酒力全輕醉魂易醒風揭  
簾櫳夢斷披衣重起 悄無寐追悔當初繡閣話別太  
容易日許時猶阻歸計 甚況味旅館虛度殘歲想嬌  
媚那裏獨守鴛幃靜永漏迢迢也應暗同此意

鳳啣盃 大石調

有美瑤卿能染翰千里寄小詩長簡想初擘苔牋旋揮  
翠管紅窻畔漸玉箸銀鈎滿 錦囊收犀軸捲常珍重  
小齋吟翫更寶若珠璣置之懷袖時時看似頻見千嬌  
面



又

追悔當初辜深願經年價兩成幽怨任越水吳山似屏  
如障堪遊翫奈獨自慵擡眼賞烟花聽絃管圖歡笑  
轉加腸斷縱時展丹青強拈書信頻頻看又爭似親相  
見

鶴冲天 大石調

閑窻漏永月冷霜華墮悄悄下簾幕殘燈火再三追往  
事離魂亂愁腸鎖無語沈吟坐好天好景未省展眉則  
箇從前早是多成破何況經歲月相拋躡假使重相  
見還得似當初麼悔恨無計那迢迢良夜自家只恁摧

挫

愛恩深 大石調愛一作受

雅致裝庭宇黃花開澹泞細香明艷盡天與助秋色堪  
餐向曉自有真珠露剛被金錢妬擬買斷秋天容易獨  
步粉蝶無情蜂已去要上金尊惟有詩人曾許待宴  
賞重陽恁時盡把芳心吐陶令輕回顧免憔悴東籬冷  
烟寒雨

看花回 大石調

屈指勞生百歲期榮瘁相隨利牽名惹逡巡過奈兩輪  
玉走金飛紅顏成白首極品何爲塵事常多雅會稀



忍不開眉畫堂歌管深深處難忘酒盞花枝醉鄉風景  
好攜手同歸

又

玉城金堦舞舜干朝野多歡九衢三市風光麗正萬家  
急管繁絃鳳樓臨綺陌佳氣非烟 雅俗熙熙物態妍  
忍負芳年笑筵歌席連昏晝任旗亭斗酒十千賞心何  
處好惟有尊前

柳初新 大石調

東郊向曉星杓亞報帝里春來也柳擡烟眼花勻露臉  
漸覺綠嬌紅姹妝點層臺芳榭運神功丹青無價 別

有堯堦試罷新郎君成行如畫杏園風細桃花浪暖競  
喜羽遷鱗化遍九陌相將遊冶驟香塵寶鞍驕馬

兩同心 大石調

嫩臉修蛾淡勻輕掃最愛學宮體梳妝偏能效文人談  
笑綺筵前舞燕歌雲別有輕妙 飲散玉爐烟裊洞房  
悄悄錦帳裏低語偏濃銀燭下細看俱好箇人人昨夜  
分明許伊偕老

又

竚立東風斷魂南國花光媚春醉瓊樓蟾彩迴夜遊香  
陌憶當時酒戀花迷役損詞客 別有眼長腰擗痛憐



深惜鴛鴦阻夕雨朝飛錦書斷暮雲凝碧想別來好景  
良時也應相憶

女冠子 大石調

斷烟殘雨洒微涼生軒戶動清籟蕭蕭庭樹銀河濃淡  
華星明滅輕雲時度莎階寂靜無覩幽蛩切切秋吟苦  
疎篁一徑流螢幾點飛來又去 對月臨風空恁無眠  
耿耿暗想舊日牽情處綃羅叢裏有人人那回飲散畧  
畧曾諧鴛侶因循忍便睽阻相思不得長相聚好天良  
夜無端惹起千愁萬緒

玉樓春 大石調

昭華夜醮逢清曙金殿霓旌籠瑞霧九枝擎燭燦繁星  
百和焚烟抽翠縷 香羅薦地延真馭萬乘凝旒聽秘  
語百年無用考靈龜從此乾坤齊歷數

又

鳳樓郁郁呈嘉瑞降聖覃恩延四裔醮壇清夜洞天巖  
公讌凌晨簫鼓沸 保生觴勸椒香膩延壽帶垂金縷  
細幾行鴛鴦望堯雲齊共南山呼萬歲

又

皇都今夕知何夕特地風光盈綺陌金絲玉管咽春空  
蠟炬蘭燈燒夜色 鳳樓十二神仙宅朱履三千鸞鷲



客金吾不禁六街遊狂煞雲蹤并雨跡

又

星闈上笏金章貴重委外臺疎近侍百常天閣舊通班  
九歲國儲新上計 太倉日富中邦最宣室夜思前席  
對歸心怡悅酒腸寬不泛千鍾應未醉

又

聞風岐路連銀闕曾許金桃容易竊烏龍未睡定驚猜  
鸚鵡多言防漏泄 匆匆縱得憐香雪窻隔殘烟簾映  
月別來也擬不思量爭奈餘香猶未歇

金蕉葉

大石調

厭厭夜飲平陽第添銀燭旋呼佳麗巧笑難禁艷歌無  
間聲相繼準擬幕天席地 金蕉葉泛金波霽未更闌  
已盡狂醉就中有箇風流暗向燈光底惱遍兩行珠翠

秋蕊香引

小石調

留不得光陰催促奈芳蘭歇好花謝惟頃刻彩雲易散  
琉璃脆驗前事端的 風月夜幾處前蹤舊跡忍思憶  
這回望斷永作終天隔向蓬島歸冥路兩無消息

長相思慢

林鐘商

畫鼓喧街蘭燈滿市皎月初照嚴城清都絳闕夜景風  
傳銀箭露暖金莖巷陌縱橫過平康欵轡緩聽歌聲鳳



燭熒熒那人家未掩香屏 向羅綺叢中認得依稀舊  
日雅態輕盈嬌波艷冶巧笑依然有意相迎墻頭馬上  
漫遲留難寫深誠又豈知名宦拘檢年來減盡風情

尾犯 林鐘商

晴烟冪冪漸東郊芳草染成輕碧野塘風暖游魚動觸  
冰漸微圻幾行斷雁旋次第歸霜磧咏新詩手撚江梅  
故人贈我春色 似此光陰催逼念浮生不滿百雖照  
人軒冕潤屋金珠於身何益一種勞心力圖利祿殆非  
長策除是恁點檢笙歌訪尋羅綺消得

玉樓春 林鐘商

心娘自小能歌舞舉意動容皆濟楚解教天上念奴羞  
不怕掌中飛燕妒 玲瓏繡扇花藏語宛轉香茵雲襯  
步王孫若擬贈千金只在畫樓東畔住

又

佳娘捧板花前簇唱出新聲羣艷服金鵝扇掩調纍纍  
文杏梁高塵蔽蔽 鸞吟鳳嘯清相續管烈絃焦爭可  
逐何當夜召入連昌飛上九天歌一曲

又

蟲娘舉措皆淹潤每到婆娑偏恃俊香檀敲緩玉纖遲  
畫鼓聲喧蓮步緊 貪爲顧盼誇風韻往往曲終情未



盡坐中年少暗銷魂爭問青鸞家遠近

又

酥娘一搦腰肢裊回雪縈塵皆盡妙幾多狎客看無厭  
一輩舞童功不到 星眸顧拍精神俏羅袖迎風身段  
小而今長大懶婆婆娑只要千金酬一笑

婆羅門令 雙調

昨宵裏恁和衣睡今宵裏又恁和衣睡小飲歸來初更  
過醺醺醉中夜後何事還驚起 霜天冷風細細觸疎  
窻閃閃燈搖曳空牀展轉追思想雲雨夢在欹枕難繼  
寸心萬緒咫尺千里好景良天彼此空有相憐意未有

相憐計

郭郎兒近拍 仙呂調

帝里閑居小曲深坊庭院沈沈朱戶閉新霽畏景天氣  
薰風簾幕無人永晝厭厭如度歲 愁悴枕簟微涼睡  
久展轉慵起硯席塵生新詩小闕等閑都盡廢這些兒  
寂寞情懷何事新來常恁地

西施 仙呂調

柳街燈市好花多盡讓美瑤娥萬嬌的的在層波  
取次妝梳自有天然態愛淺畫雙蛾 斷腸最是金閨  
客空憐愛奈伊何洞房咫尺無計枉朝珂有意憐才每



遇行雲處幸時恁相過

駐馬聽 林鐘商

鳳枕鴛帷二三載如魚似水相知良天好景深憐多愛  
無非盡意依隨奈何伊恣性靈忒煞些兒無事孜煎萬  
回千度怎免分離而今漸疎漸遠漸覺雖悔難追漫  
恁寄消寄息終久奚爲也擬重論繾綣爭奈反覆思惟  
縱再會只恐恩情難似當時

雨霖鈴 雙調

寒蟬淒切對長亭晚驟雨初歇都門帳飲無緒方留戀  
處蘭舟催發執手相看淚眼竟無語凝咽念去去千里

烟波暮靄沈沈楚天濶多情自古傷離別更那堪冷  
落清秋節今宵酒醒何處楊柳岸曉風殘月此去經年  
應是良辰好景虛設便縱有千種風情待與何人說

定風波慢 夾鍾商

竚立長堤澹蕩晚風起驟雨歇極目蕭疎塞柳萬株掩  
映箭波千里走舟車向此人人奔名競利念蕩子終日  
驅馳怎覺鄉關轉迢遞何意繡閣輕拋錦字難逢等  
閑度歲奈泛泛旅迹厭厭病緒近來諳盡宦遊滋味此  
情懷縱寫香牋憑誰與寄算孟光爭得知我繼日添憔悴



尉遲盃 夾鍾商

寵佳麗算九衢紅粉皆難比天然嫩臉修蛾不假施朱  
描翠盈盈秋水恣雅態欲語先嬌媚每相逢月夕花朝  
自有憐才深意 綢繆鳳枕鴛被深深處瓊枝玉樹相  
倚困極歡餘芙蓉帳暖別是惱人情味風流事難逢雙  
美况已斷香雲爲盟誓且相將盡意平生未肯輕分連  
理

慢卷紉 夾鍾商

閑窻燭暗孤幃夜永欹枕難成寐細屈指尋思舊事前  
歡都來未盡平生深意到得如今萬般追悔空祗添憔悴

悴對好景良宵皺著眉兒成甚滋味 紅茵翠被當時  
事一一堪垂淚怎生得依前似恁偎香倚暖抱著日高  
猶睡算得伊家也應隨分煩惱心兒裏又爭似從前淡  
淡相看免恁縈繫

征部樂 夾鍾商

雅歡幽會良夜可惜虛拋擲每追念狂蹤舊跡長只恁  
愁悶朝夕憑誰去花街覓細說與此中端的道向我轉  
覺厭厭夢役魂勞苦相憶 須知最有風前月下心事  
始終難得但願我蟲蟲心下把人看待長似初相識况  
漸逢春色便是有舉觴消息待這回好好憐伊更不輕



離垢

佳人醉 雙調

暮景蕭蕭雨霽雲淡天高風細正月華如水金波銀漢  
湫澗無際冷浸書帷夢斷却披衣重起 臨軒砌素光  
遙指因念翠睂眉隔音塵何處相望同千里儘凝睇厭  
厭無寐漸曉雕闌獨倚

迷仙引

雙調

才過笄年初縮雲鬟便學歌舞席上尊前王孫隨分相  
許算等閑酬一笑但千金慵覷常只恐薜華容易偷換  
光陰虛度 已受君恩顧好與花爲主萬里丹霄何妨

攜手同歸去永棄却烟花伴侶免教人見妾朝雲暮雨

御街行

夾鍾商

燔柴烟斷星河曙寶輦回天步端門羽衛簇雕闌六樂  
舜韶先舉鶴書飛下雞竿高聳恩澤均寰寓 赤霜袍  
爛飄香霧喜色成春煦九儀三事仰天顏八彩旋生睂  
宇椿齡無盡蘿圖有慶常作乾坤主

又

前時小飲春庭院悔放笙歌散歸來中夜酒醺醺惹起  
舊愁無限雖看墜樓換馬爭奈不是鴛幃伴 朦朧暗  
想如花面欲夢還驚斷和衣擁被不成眠一枕萬回千



轉惟有畫梁新來雙燕徹曙聞長歎

歸朝懽 夾鍾商

別岸扁舟三兩隻葭葦蕭蕭風淅淅沙汀宿雁破烟飛  
溪橋殘月和霜白漸漸分曙色路遙川遠多行役往來  
人隻輪雙槳盡是利名客 一望鄉關烟水隔轉覺歸  
心生羽翼愁雲恨雨兩縈牽新春殘臘相催逼歲華都  
瞬息浪萍風梗成何益問歸期玉樓深處有箇人相憶

采蓮令

雙調

月華收雲澹霜天曙西征客此時情苦翠娥執手送臨  
岐軋軋開朱戶千嬌面盈盈竚立無言有淚斷腸爭忍

回顧 一葉蘭舟便恁急槳凌波去貪行色豈知離緒  
萬般方寸但飲恨脈脈同誰語更回首重城不見寒江  
天外隱隱兩行烟樹

秋夜月

雙調

當初聚散便喚作無由再逢伊面近日來不期而會重  
歡宴向尊前閑暇裏歛著眉兒長歎惹起舊愁無限  
盈盈淚眼漫向我耳邊作萬般幽怨奈你是自家心下  
事難見待音信真箇恁別無縈絆不免收心共伊長遠

巫山一段雲

雙調

六六真遊洞三三物外天九斑麟穩破非烟何處按雲



周言金  
軒 昨夜麻姑陪宴又話蓬萊清淺幾回山脚弄雲濤  
彷彿見金鰲

又

琪樹羅三殿金龍抱九關上清真籍總羣仙朝拜五雲  
間 昨夜紫微詔下急喚天書使者令賡瑤檢降朝霞  
重到漢皇家

又

清旦朝金母斜陽醉玉龜天風搖曳六銖衣鶴背覺孤  
危 貪看海蟾狂戲不道九關齊閉相將何處寄良宵  
還去訪三茅

又

闔苑年華永嬉遊別是情人間三度見河清一番碧桃  
成 金母忍將輕摘留宴鰲峯真客烏龍閑臥吠斜陽  
方朔敢偷嘗

又

蕭氏賢夫婦茅家好弟兄羽輪飈駕赴層城高會盡仙  
卿 一曲雲謠爲壽倒盡金壺碧酒醺酣爭撼白榆花  
踏碎九光霞

傾盃樂

散水調

木落霜洲雁橫烟渚分明畫出秋色暮雨乍歇小楫夜



泊宿葦村山驛何人月下臨風處起一聲羌笛離愁萬  
緒聞岸草切切蛩吟如織 爲憶芳容別後水遙山遠  
何計憑鱗翼想繡閣深沈爭知憔悴損天涯行客楚峽  
雲歸高陽人散寂寞狂蹤跡望京國空目斷遠峯凝碧  
法曲獻仙音 小石調  
追想秦樓心事當年便約于飛比翼悔恨臨歧處正攜  
手翻成雲雨離析念倚玉偎香前事頓輕擲慣憐惜  
饒心性正厭厭多病柳腰花態嬌無力早是乍清減別  
後忍教愁寂記取盟言少孜煎剩好將息遇佳景臨風  
對月事須時恁相憶

西平樂 小石調

盡日憑高寓目脈脈春情緒嘉景清明漸近時節輕寒  
乍暖天氣才晴又雨烟光澹蕩裝點平蕪遠樹暗凝竚  
臺榭好鶯燕語正是和風麗日幾許繁紅嫩綠雅稱  
嬉遊去奈阻隔尋芳伴侶秦樓鳳吹楚臺雲約空悵望  
在何處寂寞韶光暗度可堪向晚村落聲聲杜宇

蝶戀花 小石調

簾下清歌簾外宴雖愛新聲不見如花面牙板數敲珠  
一串梁塵暗落瑠璃盞 桐樹流聲孤鳳怨漸過遙天  
不放行雲散坐上少年聽未慣玉山將倒腸先斷



又

獨倚危樓風細細極望春愁黯黯生天際草色烟光殘  
照裏無言誰會憑闌意也擬疎狂圖一醉對酒當歌  
強樂還無味衣帶漸寬終不悔爲伊消得人憔悴

又

蜀錦地衣絲步障屈曲回廊靜夜閑尋訪玉砌雕闌新  
月上朱扉半掩人相望旋暖熏爐溫斗帳玉樹瓊枝  
迤邐相偎傍酒力漸濃春思蕩鴛鴦繡被翻紅浪

永遇樂

歇指調

薰風解愠晝景晴和新霽時候火德流光蘿圖薦祉累

慶金枝秀璇樞遶電華渚流虹是日挺生元后纘唐虞  
垂拱千載應期萬靈敷佑殊方異域爭貢琛賚架嶽  
航波奔湊三殿稱觴九儀就列韶濩鏘金奏藩侯瞻望  
彤庭親攜僚吏賡歌元首祝堯齡北極齊尊南山共久

又

天閣英遊內朝密侍當世榮遇漢守分麾堯廷請瑞方  
面憑心膂風馳千騎雲遶雙旌向曉洞開嚴署擁朱旛  
喜色歡聲處處競歌來暮吳王舊國今古江山秀異  
人烟繁富甘雨車行仁風扇動雅稱安黎庶棠郊成政  
槐府登賢非久定須歸去且乘閑宏閣長開融尊盛舉



卜算子慢 歇指調

江楓漸老汀蕙半凋滿目敗紅衰翠楚客登臨正是暮  
秋天氣引疎砧斷續殘陽裏對晚景傷懷念遠新愁舊  
恨相繼 脈脈人千里念兩處風情萬重烟水兩歇天  
高望斷翠峯十二儘無言誰會憑高意縱寫得離腸萬  
種奈歸鴻難寄

鵲橋仙引

歇指調

屆征途攜書劔迢迢匹馬東歸去慘離懷嗟年少易分  
難聚佳人方恁繾綣便忍分鴛侶當媚景算密意幽歡  
盡成輕負 此際寸腸萬緒慘愁顏斷魂無語和淚眼

片時幾番回顧傷心脈脈誰訴但黯然凝竚暮烟寒雨  
望秦樓何處

浪淘沙慢

歇指調

夢覺透窻風一線寒燈吹息那堪酒醒又聞空階夜雨  
頻滴嗟因循久作天涯客負佳人幾許盟言更忍把從  
前歡會陡頓翻成憂戚 愁極再三追思洞房深處幾  
度飲散歌闌香暖鴛鴦被豈暫時疎散費伊心力殢雨  
尤雲有萬般千種相憐惜 到如今長漏永無端自  
家疎隔知何時却擁春雲態願低幃昵枕輕輕細說與  
江鄉夜夜數寒更相憶



夏雲峯 歇指調

宴堂深軒楹雨輕壓暑氣低沈花洞彩舟泛舛坐遶清  
潯楚臺風快湘簟冷永日披襟坐久覺疎絃脆管時換  
新音 越娥蕙質蘭心逞妖艷昵歡邀寵難禁筵上笑  
歌間發履舄交侵醉鄉深處須盡興滿酌高吟向此免  
名韁利鎖虛費光陰

荔支香

歇指調

甚處尋芳賞翠歸來晚緩步羅襪生塵來繞瓊筵看金  
縷霞衣輕褪似覺春遊倦遙認衆裏盈盈好身段 擬  
回首又竚立簾幃畔素臉翠睂時揭蓋頭微見笑整金

翹一點芳心在嬌眼王孫空恁腸斷

浪淘沙

歇指調

有箇人人飛燕精神急辦環佩上華裯促拍盡隨紅袖  
舉風柳腰身 款款輕裙妙盡尖新曲終獨立歛香塵  
應是四肢嬌困也睂黛雙顰

破陣樂

林鐘商

露花倒影烟蕪蕪碧靈沼波暖金柳搖風木末繫彩舫  
龍船遙岸千步虹橋參差雁齒直趨水殿遶金堤曼衍  
魚龍戲簇嬌春羅綺喧天絲管霽色榮光望中似覩蓬  
萊清淺 時見鳳輦宸遊鸞觴飲臨翠水開鎬宴兩



兩輕舸飛畫楫競奪錦標霞爛馨歡娛歌魚藻徘徊宛  
轉別有盈盈遊女各委明珠爭收翠羽相將歸去漸覺  
雲海沈沈洞天日晚

古傾盃

林鐘商

凍水消痕曉風生暖春滿東郊道遲遲淑景烟和露潤  
偏染長堤芳草斷鴻隱隱歸飛江天杳杳遙山變色妝  
眉淡掃目極千里閑倚危檣迴眺動幾許傷春懷抱  
念何處韶光偏早想帝里看看名園芳榭爛漫鶯花好  
追思往昔年少繼日恁把酒聽歌量金買笑別後頓負  
光陰多少

雙聲子

林鐘商

晚天蕭索斷蓬蹤跡乘興蘭棹東遊三吳風景姑蘇臺  
榭牢落暮靄初收歎夫差舊國香逕沒徒有荒邱繁華  
處悄無覩惟聞麋鹿呦呦想當年空運籌決戰圖王  
取霸無休江山如畫雲濤烟浪翻輪范蠡扁舟驗前經  
舊史嗟漫載當日風流斜陽暮草茫茫盡成萬古遺愁

傾盃樂

林鐘商

離宴殷勤蘭舟凝滯看看送行南浦情知道世人難使  
皓月長圓彩雲鎮聚算人生悲莫悲於輕別最苦正歡  
娛便分鴛侶淚流瑤臉梨花一枝春帶雨  
慙黛蛾盈



盈無緒共黯然銷魂重攜纖手話別臨行再三問道君  
須去頻耳畔低語知多少他日深盟平生丹素從今盡  
把憑鱗羽

陽臺路 林鐘商

楚天晚墜冷風敗葉疎紅零亂冒征塵匹馬驅驅愁見  
水遙山遠追念年時正恁鳳幃倚香偎暖嬉遊慣又豈  
知前歡雲雨分散 此際空勞回首望帝里難收淚眼  
暮烟衰草算暗鎖路岐無限今宵又依前寄宿甚處葦  
村山館寒燈畔夜厭厭憑何消遣

內家嬌 林鐘商

煦景朝升烟光晝斂疎雨夜來新霽垂楊艷杏絲軟霞  
輕繡出芳郊明媚處處踏青鬪草人人偎紅倚翠奈少  
年自有新愁舊恨消遣無計 帝里風光當此際正好  
恁攜佳麗阻歸程迢遞奈向好景難留舊歡頻棄早是  
傷春情緒那堪困人天氣但贏得獨立高原斷腸一晌  
凝睇

二郎神 七夕 林鐘商

炎光謝過暮雨芳塵輕洒乍露冷風清庭戶爽天如水  
玉鈎遙挂應是星娥嗟久阻叙舊約鸞輪欲駕極目處  
微雲暗度耿耿銀河高瀉 閒雅須知此景古今無價



運巧思穿針樓上女擡粉面雲鬟相亞鈿合金釵私語  
處算誰在回廊影下願天上人間占得歡娛年年今夜

醉蓬萊

慶老人星現

林鐘商

漸亭皋葉下隴首雲飛素秋新霽華闕中天鎖葱葱佳  
氣嫩菊黃深拒霜紅淺近寶堦香砌玉宇無塵金莖有  
露碧天如水 正值昇平萬幾多暇夜色澄鮮漏聲迢  
遞南極星中有老人呈瑞此際宸遊鳳輦何處度管絃  
清脆太液波翻披香簾捲月明風細

宣清

林鐘商

殘月朦朧小宴闌珊歸來輕寒凜凜背銀釭孤館乍眠

擁重衾醉魂猶噤永漏頻傳前歡已去離愁一枕暗尋  
思舊追遊神京風物如錦 念擲果朋儕絕纓宴會當  
時曾痛飲命舞燕翩躚歌珠貫串向玳筵前盡是神仙  
流品至更闌疎狂轉甚更相將鳳幃鴛寢玉釵亂橫任  
散盡高陽這歡娛甚時重恁

雨中花慢

林鐘商

墜髻慵梳愁蛾懶畫心緒是事闌珊覺新來憔悴金縷  
衣寬認得這疎狂意下向人誚譬如閑把芳容陡頓恁  
地輕孤爭忍心安 依前過了舊約甚當初賺我偷剪  
香鬟幾時得歸來香閣深闌待伊要尤雲殢雨纏鴛衾



不與同歡儘更深款款問伊今後更敢無端

定風波慢

林鐘商

自春來慘綠愁紅芳心是事可可日上花梢鶯穿柳帶  
猶壓香衾臥暖酥融膩雲鞦終日厭厭倦梳裏無那恨  
薄情一去音書無箇 早知恁般麼悔當初不把雕鞍  
鎖向雞窻只與蠻牋象管拘束教吟和鎮相隨莫拋躲  
針線閑拈伴伊坐和我免使少年光陰虛過

訴衷情近

林鐘商

雨晴氣爽竚立江樓望處澄明遠水生光重疊暮山聳  
翠遙想斷橋幽徑隱隱漁村向晚孤烟起 殘陽裏脈

脈朱闌靜倚黯然情緒未飲先如醉愁無際暮雲過了  
秋風老盡故人千里竟日空凝睇

又

幽閨晝永漸入清和氣序榆錢飄滿閑階蓮葉嫩生翠  
沼遙望水邊幽徑山崦孤村是處園林好 閑情悄綺  
陌遊人漸少少年風韻自覺隨春老前遊杳帝城信阻  
天涯目斷暮雲芳草竚立空殘照

留客住

林鐘商

偶登眺凭小樓艷陽時節乍晴天氣是處閑花芳草遙  
山萬疊雲散漲海千里潮平波浩渺烟村院落是誰家



陸詞金  
綠樹數聲啼鳥 旅情悄念遠信沈沈離魂杳杳對景  
傷懷度日無言誰表惆悵舊歡何處後約難憑看看春  
又老盈盈淚眼望仙鄉隱隱斷霞殘照

迎春樂 林鐘商

近來憔悴人驚怪爲別相思睽我前生負你愁煩債便  
苦恁難開解 良夜永牽情無奈錦被裏餘香猶在怎  
得依前燈下恣意憐嬌態

隔簾聽 林鐘商

咫尺鳳衾鴛帳欲去無因到蝦鬚翠地重門悄認繡履  
頻移洞房杳杳強語笑逞如簧再三輕巧 妝梳早毳

琵琶抱愛品相思調聲聲似把芳心告但隔簾贏得斷  
腸多少恁煩惱除非是共伊知道

鳳歸雲 林鐘商

戀帝里金谷園林平康巷陌觸處繁華連日疎狂未嘗  
輕負寸心雙眼况佳人盡天外行雲掌上飛燕向玳筵  
一一皆妙選長是因酒沈迷被花縈絆 更可惜淑景  
亭臺暑天枕簟霜月夜明雪霰朝飛一歲風光盡堪隨  
分俊遊清宴算浮生事瞬息光陰錙銖名宦正歡笑誰  
恁暫分散卽是恨雨愁雲地遙天遠

拋球樂 林鐘商



聞詞金  
曉來天氣濃淡微雨輕洒近清明風絮巷陌烟草池塘  
盡堪圖畫艷杏暖妝臉勻開弱柳困官腰低亞是處麗  
質盈盈巧笑嬉嬉爭簇秋千架戲彩球羅綬金雞芥羽  
少年馳騁芳郊綠野占斷五陵遊奏脆管繁絃聲和雅  
向名園深處爭泥畫輪競羈寶馬 取次羅列杯盤就  
芳樹綠影紅陰下舞婆婆歌宛轉彷彿鶯嬌燕姘寸珠  
片玉爭似濃歡無價任他美酒十千一斗飲竭仍解金  
貂貫恣幕天席地陶陶盡醉太平且樂唐虞景化須信  
艷陽天看未足已覺鶯花謝對綠蠹翠蛾怎生輕捨

集賢賓

林鐘商

小樓深巷狂遊遍羅綺成叢就中堪人屬意最是蟲蟲  
有畫難描雅態無花可比芳容幾回飲散良宵永鴛衾  
暖鳳枕香濃算得人間天上惟有兩心同 近來雲雨  
每西東悄悄惱損情悰縱然偷期暗會長是匆匆爭似和  
鳴偕老免教歛翠啼紅眼前時暫疎歡宴盟言在莫更  
忡忡待做真箇宅院方信有初終

殢人嬌

林鐘商

當日相逢便有憐才深意歌筵罷偶同鴛被別來光景  
看看經歲昨夜裏方把舊歡重繼 曉月將沈征驂已  
鞦愁腸亂又還分袂良辰美景恨浮名牽繫無分得與



你恣情睡睡

思歸樂 林鐘商

天幕清和堪宴聚相得盡高陽儔侶皓齒善歌長袖舞  
漸引入醉鄉深處 晚歲光陰能幾許這巧宦不須多  
取共君把酒聽杜宇解再三勸人歸去

應天長 林鐘商

殘蟬聲斷絕傍碧砌修梧敗葉微脫風露淒清正是登  
高時節東籬霜乍結綻金蕊嫩香堪折聚宴處落帽風  
流未饒前哲 把酒與君說恁好景佳辰怎忍虛設休  
效牛山空對江天凝咽塵勞無暫歇遇良會剩偷懽悅

歌未闕杯興方濃莫便中輟

合懽帶 林鐘商

身材兒早是妖嬈算風措實難描一箇肌膚渾似玉更  
都來占了千嬌妍歌艷舞鶯慚巧舌柳妬纖腰自相逢  
便覺韓娥價減飛燕聲銷 桃花零落溪水潺湲重尋  
仙逕非遙莫道千金酬一笑便明珠萬斛須邀檀郎幸  
有凌雲詞賦擲果風標况當年便好相攜鳳樓深處吹

簫

少年遊 林鐘商

長安古道馬遲遲高柳亂蟬嘶夕陽島外秋風原上日



斷四天垂 歸雲一去無蹤跡何處是前期狎興生疎  
酒徒蕭索不似少年時

又

叅差烟樹霸陵橋風物盡前朝衰楊古柳幾經攀折  
憔悴楚宮腰 夕陽閃澹秋光老離思滿蘅皋一曲陽關  
斷腸聲裏獨自上蘭橈

又

層波瀲灩遠山橫一笑一傾城酒容紅嫩歌喉清麗百  
媚坐中生 墻頭馬上初相見不準擬恁多情昨夜盃  
闌洞房深處特地快逢迎

又

世間尤物意中人輕細好腰身香幃睡起殘妝酒醺紅  
臉杏花春 嬌多愛把齊紈扇和笑掩朱唇心性溫柔  
品流詳雅不稱在風塵

又

淡黃衫子鬱金裙長憶箇人人文談閑雅歌喉清麗舉  
措好風神 當初爲倚深深寵無箇事愛嬌嗔想得別  
來舊家模樣只恁翠蛾顰

又

鈴齋無訟宴遊頻羅綺簇簪纓施朱傅粉豐肌清骨容



態盡天真 歌茵舞扇花光裏翻回雪駐行雲綺席闌  
珊鳳燈明滅誰是意中人

又

簾垂深院冷蕭蕭花外漏聲遙青燈未滅紅窻閑臥遠  
夢去迢迢 薄情漫有歸消息鴛鴦被半香銷試問伊  
家阿誰心緒禁得恁無慘

又

一生贏得是淒涼追前事暗心傷好天良夜深屏香被  
爭忍便相忘 王孫動是經年去貪迷戀有何常萬種  
千般把伊情分顛倒儘猜量

又

日高花榭懶梳頭無語倚妝樓修眉歛黛遙山橫翠相  
對結春愁 王孫走馬長楸陌貪迷戀少年遊似恁疎  
狂費人拘管爭似不風流

又

佳人巧笑值千金當日偶情深幾回飲散燈殘香暖好  
事盡鴛衾 如今萬水千山阻魂杳杳信沈沈孤棹烟  
波小樓風月兩處一般心

戚氏

中呂調

晚秋天一霎微雨洒庭軒檻菊蕭疎井梧零亂惹殘烟



周詞金  
淒然望江關飛雲黯淡夕陽間當時宋玉悲感向此臨  
水與登山遠道迢遞行人淒楚倦聽隴水潺湲正蟬吟  
敗葉蛩響衰草相應聲喧孤館度日如年風露漸變  
悄悄至更闌長天靜絳河清淺皓月嬋娟思綿綿夜永  
對景那堪屈指暗想從前未名未祿綺陌紅樓往往經  
歲遷延帝里風光好當年少日暮宴朝權况有狂朋  
快侶遇當歌對酒競留連別來迅景如梭舊遊似夢烟  
水程何限念利名憔悴長縈絆追往事空慘愁顏漏箭  
移稍覺輕寒聽畫角嗚咽數聲殘對閑窻畔停燈向曉  
抱影無眠

輪臺子

中呂調

一枕清宵好夢可惜被鄰雞喚覺匆匆策馬登途滿目  
淡烟衰草前驅風觸鳴珂過霜林漸覺驚栖鳥冒征塵  
遠况自古淒涼長安道行行又歷孤村楚天濶望中  
未曉念勞生惜芳年壯歲離多歡少歎斷梗難停暮雲  
漸杳但黯黯銷魂寸腸憑誰表恁驅馳何時是了又爭  
似却返瑤京重買千金笑

引駕行

中呂調

虹收殘雨蟬嘶敗柳長堤暮背都門動銷黯西風片帆  
輕舉愁覩泛畫鷁翩翩靈鼉隱隱下前浦忍回首佳人



漸遠想高城隔烟樹幾許 秦樓永晝謝閣連宵奇遇  
筭贈笑千金酬歌百琲盡成輕負南顧念吳邦越國風  
烟蕭索在何處獨自箇萬水千山指天涯去

望遠行

中呂調

繡幃睡起殘妝淺無緒勻紅鋪翠藻井凝塵金堦鋪蘚  
寂寞鳳樓十二風絮紛紛烟蕪冉冉永日畫闌沈吟獨  
倚望遠行南陌春殘悄歸騎 凝睇消遣離愁無計但  
暗擲金釵買醉對此好景空飲香醪爭奈轉添珠淚待  
伊遊冶歸來故故解放翠羽輕裙重繫見纖腰圍小信  
人憔悴



